

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 72 del 16/01/2025

Enscinuazions enscin ai 28 de firé del 2025

L é avert la enscinuazions al “Program Barac per i joegn”

[Ladino] Enscin ai 28 de firé l é avert la enscinuazions per poder tor pèrt a la vintecatereisema edizion del “Program Barac per i joegn”, na scomenzadiva endrezèda da l’Unità de Miscion Semplize (UMSe) Coejion teritorièla e valorisazion del capital sozièl trentin a la foresta – Ofize Partenariac internazionèi e intervenc a la foresta de la Provincia autonoma de Trent.

L intervent l é out a 15 joegn enciasé tel Trentin e a etres tenc partner del medemo temp che à reijes Trentines e che stèsc a la foresta, de età anter i 18 e i 35 egn.

Se trata de na esperienza multiculturalèla straordenèra, che la perveit che la families di tousc che tol pèrt al projet les ge dae alberch una co l’altra. La Provincia autonoma de Trent la dèsc sie didament con n contribut per i cos del viac e per l’arsegurazion.

Vigni barat l vegn metù en esser te doi desvaliva fases che les à vigniuna na regnèda de 2 setemènes. La pruma fasa – azet tel Trentin – la é perveduda dai 19 de messèl ai 3 de aost del 2025. Endèna chest trat de temp vegnarà endrezà per l grop che tol pèrt a la scomenzadiva n calandèr de scontrèdes con istituzions locales e vijites compagnèdes sul teritorie. La seconda fasa – jir a la foresta – la é perveduda per l 2026, te n trat de temp dezidù a una anter i doi partner e col coordinament de l’UMSe Coejion teritorièla e valorisazion del capital sozièl trentin a la foresta de la Provincia.

Stèr a la foresta podarà sporjer ocajions per veder e cognoscer l teritorie de destinazion, tras l’esperienza e l stèr aló de cèsa del partner che dèsc alberch e de la comunanza trentina de referiment.

Termin per portèr dant la domanes: ai 28 de firé 2025

Info e formulèr sun chest link:

<https://www.mondotrentino.net/Iniziative/Interscambi-giovanili-Youth-Exchange-Programme/Interscambi-giovanili-Youth-Exchange-Programme>

Traduzion di Servijes Linguistics e Culturèi del Comun general de Fascia

(cdt)